

10067
=5



皇朝文獻通考卷六

田賦考六

水利田

臣等謹按古者畫井分田制為溝洫畎澮以達於
川廣深尋丈俱有定式蓋無在而非水利而稻人
掌稼下地所謂蓄水止水蕩水均水舍水寫水之
法即後代言水利者之權輿也自阡陌既開而引
渠漑田之利紀於前史爭為美談洪惟我



列聖相承念切民依廣興水利東南則籌疏導之方西北則資灌溉之益民生樂利及於無窮我

皇上御極以來尤以水利爲要務淮揚畿輔之地經理宣導厥有成績迺者復以江淮兗豫頻年積潦

特命廷臣會同守土大吏講求宣洩之要指授方畧諄切周詳不惜工不愛帑不勞民遂使沮洳下濕之區皆成沃壤而猶

宵旰憂勞有加無已所以爲閭閻籌久安者至深且遠允宜悉著於編以垂示萬世

順治九年以工科給事中胡之俊言經理東南水利之俊疏言方今天下財賦半出東南而東南要地莫如江浙蘇松嘉湖地勢汗下舊劉家河吳淞江等處海口壅淤河道成田土豪占據水患屢告請濬吳淞以洩陳澱之水濬劉河以洩巴陽之水庶於國計民生有賴

十一年

諭東南財賦重地素稱沃壤連年水旱爲災民生重困皆因失修水利致悞農功該督撫責成地方官悉心講求

疏通水利以時蓄洩庶水旱無虞民安樂利

十六年修浙江海鹽縣海塘禮科給事中張惟赤言杭嘉湖蘇松常鎮七郡皆瀕於海海塘築自唐開元中至明始易以石編立字號并編定夫銀以事歲修他郡無論卽就海鹽一處之塘歲編銀六千九百九十九兩零自明末至今並未修築此塘不知此項作何支銷應請定限歲修以防水患工部議如所請卽於是年修致雨二號石塘二十一丈明年復修閏餘二號成歲二號石塘共六十丈

康熙二年以近畿地方夏潦遣官察看並經理修隄挑淺事宜雲南道御史梁熙言近畿田地分與八旗今歲夏多雨各處堤岸潰決損壞田禾收成絕少河間一帶莊屯淹沒更甚請遴材幹官周行察看凡堤岸之應修者實行培築淤淺之應疏者實行挑濬庶河流有歸潦不爲災從之

十年截留蘇松常三府漕折銀九萬兩杭嘉湖三府漕折銀五萬兩以充水利經費爲疏濬吳淞江及劉家河故也

十一年濬吳江長橋一帶以洩太湖

十二年修河南安陽縣之萬金渠引洹水溉田

二十年濬常熟之白茆港武進之孟瀆河

二十五年遣官往淮揚下河督率挑濬車路等河

并串場河白駒丁溪草堰場等口

三十六年

諭漕河督臣會勘下河積水應作何盡令歸海涸出民田之處一一議奏漕運總督桑格等言下河爲洩水入海之區自淮安以至邵伯鎮計運河東岸共有涵洞

三十插十滾水壩八運河及高郵邵伯等湖之水由諸涵洞插壩之口歸入射陽廣洋等湖以至白駒岡門等口入海緣下河受水之處甚多而洩水入海之口猶少是以水勢汪洋易於停蓄下河州縣均受水害因議疏浚各口及應建插壩之所疏人工部議准令將各項工程估計具題從之

三十七年

諭大學士等曰霸州新安等處水旗民莊田皆沒蓋由保定府南之水與渾河會流以致汎濫著原任河道于成

龍河督王新命往察令其分流農事方興不可用百姓之力遣旗下壯丁備器械給以銀米令其修築又

諭于成龍王新命曰清河發源太行山脈會漳河子牙河滹沱河易水諸流其勢雖盛但堅築堤岸遏之即可無虞又漳河支流經大城縣入子牙河其勢湍悍數年以來諸處遭水此河之故爾等宜詳悉查勘至渾河發自馬邑甚微每遇大水之年則橫流汎濫致淹民田其故蓋由渾河淤沙既冬春時水乏保安州以下居民又引灌田沙礫壅墊河身積高淫雨水發遂致田土沖沒爾

等惟挑濬淤沙令水暢流當不至於漲溢矣

復

命廷臣會議開下河漕運總督桑格等又言臣等會勘下

河州縣歷被水災皆由上游受水之處多而洩水入海之處少兼之各邑水道俱多淤澱以成泛濫之患今欲救此災黎舍開浚故道多分水勢之法別無善策臣等前議修芒稻河者欲分高郵邵伯兩湖之水入江使不至下河也議挑曹家灣湯家絆七節橋者欲開通高郵邵伯兩湖淤塞之水路

使通芒稻河以下江也議挑車兒埠之滔子河者
 欲使泰州所受之水由苦水洋入海也議挑澗河
 者欲分運河之水流入澗河由射陽湖下海使不
 至高郵也議挑海陵溪者欲使高郵所受之水通
 岡門下海也議挑車路白塗海溝三河者欲使興
 化所受之水由丁溪草堰白駒入海也議挑蝦鬚
 二溝戛梁河并滕隴河西首淤塞之射陽湖者欲
 使高寶興泰鹽山等處之水俱由廟灣下海此海
 口為下河最窪最寬之地洩各處上流之水尤為

宣暢也今臣細加覆勘與前無異惟是九卿會議
 所云江海有無倒灌之處臣等細察各處海口及
 江口皆係歷來洩水之舊跡而臣等所議挑浚諸
 工皆內地淤阻之河道照舊開通使水得達於口
 洩之江海自無倒灌之虞又會議所云或係海口
 高阜內河低窪以致積水不能出海臣等相度形
 勢海口較之內河終屬低窪現在洩水而目今水
 勢尚在汪洋民間被淹田地多未涸出皆由諸河
 水道淤塞之故若使前議挑浚之工一舉水循故

道下流入海民田自當涸出實大有益於生民

又

諭大學士等曰下河民生攸繫從前命凱音布孫在豐等專司開濬伊等俱奏工程告竣由今觀之止是虛糜國帑水勢並未消滅田畝並未涸出所謂有益民生者何在今桑格又奏當行開濬而九卿遽議准行若果如其所請疏鑿開濬而桑格等能必水即消田即出有神於民以身家保奏則即令開濬之可令九卿詳詢前次督濬者復稽考諸冊籍然後確議以聞

三十八年

諭下河既有積水不得不引出歸海著將串場河射陽湖

蝦鬚沙溝一帶挑通引積水流歸海至四十年河道

總督張鵬翮言高寶山陽鹽城一帶之水由射陽

之蝦鬚二溝入廟灣以達於海今宜挑蝦鬚二溝

淤塞之處約四十餘里引水入滕隴河以達海高

郵滾水壩下之水由興化縣安豐鎮至白駒場以

達於海今宜挑鮑家莊至白駒地高水壅之處約

八十餘里高郵之水又自興化車路河至丁溪由

澇魚港以達於海今宜挑澇魚港淤塞之處八十餘里寶應之水由子嬰溝老河口入射陽湖以達於海今宜挑老河口淤淺之處三里有餘泰州之水由淤溪至車兒埠沿子河以入於海今宜挑沿子河三十二里引水由苦水洋入海得

旨允行

四十三年令天津開墾水田時以天津附近荒地開墾一萬畝為水田令各省巡撫將閩粵江南諸處水耕之人出示招徠情願者安插天津諸處計

口授田給與牛種限年起科

四十六年

諭工部曰江南浙江生齒殷繁地不加增而仰食者日眾其風土陰晴燥濕及種植所宜迥與西北有異朕屢經巡省察之甚悉大約民恃田畝為生田資灌溉為急雖東南名稱水鄉而水溢易泄旱暵難支夏秋之間經旬不雨則土坼而苗傷矣濱河低田猶可戽水濟用高仰之地力無所施往往三農坐困朕為民生再三圖畫非修治水利建立閘座使蓄水以灌輸田疇無以為農事

緩急之備江南省蘇州松江常州鎮江浙江省杭州嘉興湖州各府州縣或近太湖或通潮汐宜於所有河渠水口度田建閘隨時啟閉水有餘則宣洩之水不足則儲蓄以備用其有支河港蕩淤淺者宜並加疏濬使引水四達仍行建閘多蓄一二尺之水卽田高一二尺者資以灌溉矣多蓄四五尺之水卽田高四五尺者資以灌溉矣行之永久可俾高下田畝無憂旱潦此於運道無涉而於民生實大有裨益爾部速移文該督撫等令將各州縣河渠應建閘蓄水之處並應建若干座通行

確察明晰具奏爾部卽遵諭行

四十八年濬寧夏之宋澄堡李洋堡二渠引黃水

溉田建閘壩十三以時蓄洩

五十九年

命修築浙江海塘工部議准浙江總督滿保等奏一議築

海寧縣老鹽倉北岸石塘以保護杭嘉湖三府民

田水利一議開中小壑淤沙以復江海故道以免

潮勢北冲一議築上虞縣夏蓋山石塘以防南岸

潮患又據浙江撫臣議准海寧老鹽倉等處原議

修築石塘但海潮遷徙靡定請於土浮不能釘椿
砌石之處改築草塘至六十一年巡撫屠沂疏言
海寧縣石塘五百丈草塘一千五十五丈上虞縣
石塘二千二百五十六丈先後告竣動用銀十四
萬三千六百五十兩其中小豐淤沙應挑之處今
北岸石塘已固應停其挑濬從之

雍正元年議政王大臣等議准修築海寧塘工

諭曰錢鏐所築塘堤中間雖被冲壞至今間有存者數年
來督撫等所修塘堤俱虛冒錢糧於不當修築處修築

以至隨修隨壞又聞赭山有三處海口今一處淤沙壅
塞水不通流若濬洶疏通使潮汐不致留沙壅塞則海
寧一帶塘工方可保固言之者雖未必稔知然不可不
留意抑或地方大臣恐糜費錢糧此等處雖明知而不
顧也爾等傳諭該督撫知之

二年

命尚書朱軾往江浙會議修築海塘事宜朱軾會同浙江

撫臣議言餘姚縣東自澉山鎮西至臨山衛六十
里舊有土塘三道內一道為老塘離海三四十里

或十餘里卽昔時之海岸歷年沙淤百姓開墾報
陞自築土塘二道是爲外塘今議加高三四尺加
厚五六尺又自臨山衛至上虞縣界之烏盆村十
五里自村至會稽縣瀝海所四十五里有石塘二
千五百餘丈卽康熙五十八年所築其東西兩頭土塘七千
丈坍塌甚多擬於塘底開深二尺填築亂石上鋪
大石寬六尺高六尺貼石築土寬二丈高一丈三
四尺又仁和縣之翁家埠起西至海寧縣之陳文
港七十餘里舊有石塘無庸議修自陳文港至尖

山二十餘里草塘七十四丈亂石砌邊土塘三千
七百二十六丈應將土塘加寬一丈五尺高三尺
上鋪條石厚一尺其草塘亦如式改修又塘外原
有亂石子塘寬三四尺不等外加排椿年久欹斜
剝落應修全完固其原無子塘者亦如式興修又
海鹽縣東自秦駐山三澗寨起西至演武場石塘
二千八百丈年久塌壞八十餘丈去秋風潮衝潰
七十丈應照式修築又自演武場至平潮縣之雅
山礮臺一帶土塘見在地方官加修月內可以完

工以上估修銀十萬五千七百餘兩又會同江蘇撫臣議言松江府之華亭婁上海等縣沿海二百五十餘里地勢窪下土脈鬆泛捍海塘工較他郡尤要自金山衛城北十里起至華家角止四十餘里土塘六千二百餘丈內最險工一段自滌關墩至東灣九百六十九丈六尺次險工四段自金山墩至西墩七百六十八丈兵厰至張家舍二百八十八丈倪家路至三岔墩三百六十丈周公墩至華家角一千四百六十八丈八尺俱應易土爲石

以資保障其餘二千四百餘丈水勢稍緩宜堅築土塘用條石鋪底砌邊外釘排椿自華家角至上海之頭墩十餘里塘外淤沙一二里不等自頭墩至嘉定縣界一百二十里舊有土塘二道內爲老塘外爲新塘應俱加築高厚外塘仍密釘排椿以防衝潰以上估修銀十九萬二千九百餘兩疏上令依議速行

詔修濬杭州西湖令督撫察勘會議總督滿保等議言錢塘仁和海寧三縣田畝數萬頃賴城外上下兩塘

河水以灌溉而兩河之水皆源自西湖謹按西湖舊志三十餘里內有民人占爲田蕩阻遏水道納於官者每年僅銀三十餘兩米二十餘石其爲官民利益甚微而所損於民者實不止於鉅萬應請豁除糧額清出歸湖其見存湖址二十二里有奇通計裏外湖面一萬一千三百一十五畝零淤淺硬沙葑灘共三千一百二十二畝應將淺涸者挑深淤塞者開濬芟除葑草以復故址則湖水不至涸竭而三縣民田旱潦有備矣至於城內之河共有數道一爲中河一爲東河一爲小河而小河又有中西北之分昔人設筓鑿溝引西湖之水自湧金水門入城曲折出入凡三十里然後由桃花港響水關會流於上下兩塘河以溉田畝是城河正所以通西湖之血脈也今當相其淺塞量請開濬庶幾水利可復疏入准部議行於是年興工四年

工竣

三年

諭江浙沿海黎庶全賴堅築海塘捍禦潮汐事關民瘼朕

時在念著動支司庫錢糧立限堅築尅期報完務使永保安瀾毋得因循延緩亦不得草率塞責

又

命怡親王允祥大學士朱軾察勘直隸水利繪圖進呈

四年

諭九卿曰怡親王陳奏畿輔西南水利情形披覽甚爲明晰著交與九卿會議具奏怡親王等於去冬今春奉命察勘水利前後往返三月餘而於直隸地方東西南三面數千里之廣俱身履其地不憚煩勞凡巨川細流莫

不窮源竟委且因地制宜準今酌古曲盡籌畫以期有益民生公忠爲國甚屬可嘉

是歲設營田水利府以怡親王等董其事初於灤州玉田諸州縣濬流築圩建閘開渠皆官爲經理民人願耕者官給帑銀以爲工本秋成時歲收十分之一足額而止募江浙老農課導耕種之法有力之家率先遵奉者以圩田多寡分別獎賞其濬疏圩岸以及瀦水節水引水屏水之法各因地勢次第興修所需農具水車等募江浙工匠如式製

造課本地工人習之是秋田之成熟者凡百五十頃有奇而民間自行播種者若霸州文安大城保定新城安肅任邱共七百一十四頃有奇多獲秋登五年分立營田四局一曰京東局轄豐潤玉田薊州寶坻平谷武清灤州遷安自白河以東凡可營田者咸隸焉一曰京西局轄宛平涿州房山涿水慶都唐縣安肅新安霸州任邱定州行唐新樂滿城自苑口以西凡可營田者咸隸焉一曰京南局轄正定平山井陘邢臺沙河南和磁州永年平

鄉任縣自滹滏以西凡可營田者咸隸焉一曰天津局轄天津靜海滄州暨興國富國二場自苑口以東凡可營田者咸隸焉局各有長有副有効力委員凡相度估料開築建造皆委員與地方官偕而查報地數花名給發工本則專責之地方官水田既成令地方官遵前規而以時達之水利營田府自五年設局至於七年營成水田六千頃有奇京東局 玉田縣袁家莊馬營曲河頭羅舉窩等處營田引小泉煖泉孟家泉黃家山泉藍泉諸水

豐潤縣橫沽王蘭莊刁家窩曹家泊盧各莊車道
鋪望林泊梁家灣胡家泊等處營田引陡河泥河
黑龍潭楊家泮諸水遷安縣徐流營三里河泉莊
等處營田引徐流河三里河黃山泉諸水灤州冉
各莊孟家店黃家莊等處營田引沂河煖泉福山
泉諸水平谷縣龍家務水峪等處營田引洵河及
山泉之水薊州山岡莊鄭各莊馬伸橋等處營田
引大小海子諸泉水洩水於淋河寶坻縣八門城
尹家四下汪各莊等處營田引薊運河潮水寧河

縣東窩莊南窩莊岳旗莊江漢口林家莊張家莊
齊家沽田家莊等處營田引薊運河潮水武清縣
桐林等處營田引鳳河水 京西局 新安縣大
殷淀太平莊趙家莊等處營田引雹河依城河及
淀河諸水安州東西壘頭南北馮村等處營田引
依城河及淀河之水安肅縣白塔鋪古莊頭高林
莊南梨園等處營田引督亢陂及雹河之水唐縣
明伏莊大洋村溫家莊等處營田引唐河水慶都
縣高嶺村侯坨村等處營田引隍池北隆堅功湧

魚諸泉水涑水縣赤土村八岔溝等處營田引涑
河水房山縣廣運莊高家莊南良莊長溝村等處
營田引拒馬河挾河水涿州茂林莊毛家屯普利
莊北魯陂等處營田引拒馬河胡良河水霸州魚
廠村高各莊臺山平口等處營田引中亭水任邱
縣關城村營田引白洋淀水文安縣蒼耳淀李齊
淀流河淀等處營田引會同河子牙河水大城縣
李齊淀流河淀營田引子牙河水定州吳家莊曹
家莊等處營田引小清河馬跑泉水行唐縣河合

村歡同村等處營田引蓮花池龍泉諸水新樂縣
大流村牛家溝等處營田引海泉湧泉諸水滿城
縣一畝泉北奇村等處營田引一畝鷄距紅花諸
泉水宛平縣蘆溝橋西北修家莊三家店等處營
田引永定河水 京南局 磁州務本村張家莊
太平莊杏園營等處營田永年縣張家莊南胡賈
村馬道固村等處營田平鄉縣豆二莊周章村油
召村等處營田皆引滏陽河水任縣邊家莊牛新
寨西北張村等處營田引滏陽并牛尾諸河水正

定縣雕橋村王古寺順成關等處營田引大鳴泉
 小鳴泉方泉班泉諸水平山縣奉良莊川防村等
 處營田引滹沱河冶河水井陘縣防口村西河村
 洛陽灘等處營田引冶河水邢臺縣樓下村孔橋
 村小汪村等處營田引百泉及達活紫金諸泉水
 沙河縣北九家莊趙村等處營田引邢臺百泉及
 小澧諸泉水南和縣豆村河頭郭楊家屯等處營
 田引百泉水 天津局 天津州城南藍田及賀
 家口圍田靜海縣何家圈吳家嘴雙港白塘口辛

莊等圍營田滄州葛沽般沽二圍營田與國富國

二場東西泥沽二圍營田俱引海口潮水 雍正九年設天

津府改州為縣自何家圈以下圍田皆隸天津

臣等謹按畿輔水利之議見於古者北魏裴延儂

為幽州刺史於范陽漁陽立渠堰溉田萬餘頃唐

瀛州刺史盧暉引滹沱溉田五百餘頃寧晉令程

處默引汶水溉田平棘令弓志元開畢河以蓄洩

水利又鎮州獲鹿縣有大唐渠有禮教渠引太白

渠溉田宋臨津令黃懋請於河北諸州作水利田

而制置河北屯田使何承矩於雄莫霸州平戎順安軍興堰六百里置斗門引淀水灌溉以足邊食元提舉諸路河渠郭守敬言水利六事一曰順德達泉引入城中分爲三渠灌城東地一曰磁州東北滏漳二水合流處引水由滏陽邯鄲洺州永年下經鷄澤合入灋河可灌田三千餘頃明汪應蛟巡撫天津於葛沽白塘種水稻畝收四五石疏請於朝以防海官軍萬人分田墾種而徐貞明水田之議尤詳京東諸州縣皆有其遺跡至我

朝雍正三年直隸以水患告旣賑貸而無恤之

特命怡親王等周履三輔大興營田引水溉田之法旌敘

鼓舞之方旣詳且悉其所設京東局則徐貞明之

遺規也京西局則何承矩黃懋之舊制也京南局

則郭守敬之議可循天津局則汪應蛟之跡尚在

分命官吏督率營治而民人亦有踴躍從事者數

年之間得水田六千頃有奇而灌溉之利被於三

輔矣

乾隆五年

皇朝文獻通考

卷六

七

論地方水利關係民生最爲緊要江南戶口繁庶宜更加修濬時其蓄洩以防旱澇我

皇考念切民依康熙四十六年巡省江浙

躬親講求將附近太湖及通江湖之處條分縷析

特頒諭旨令江浙督撫於蘇松常鎮杭嘉湖地方疏濬河港以資灌溉修建閘座以便啟閉皆動用公帑錢糧不使絲毫出於民力恩至渥也乃當時督撫諸臣不能實心仰體惟以虛文奉行糜費帑金二十餘萬而無實效深可痛恨今巡撫陳時夏特行奏請且稱費用不過十

餘萬兩即可成功著副都統李淑德原任山東巡撫陳世倌會同巡撫陳時夏總河齊蘇勒總督孔毓珣悉心踏勘詳加酌議凡建立閘座疏濬河流務期盡除淤塞以杜泛濫之虞廣蓄水泉以收灌溉之益其一應公費俱動用庫帑支給

又

諭曰朕聞陝西鄭渠白渠龍洞向引涇水溉民田甚廣歷年旣久漸致淤塞堤堰坍塌醴泉涇陽等縣水田僅存其名特令該督岳鍾琪詳酌興修今據奏龍洞亟宜挑

三朝文獻通考 卷六
三
乞鄭白渠務當疏濬更須修築堤堰建設開口以備堅
久著動用正項錢糧及時挑濬務期渠道深通堤堰堅
固俾民田永賴

又

諭蘇松地勢稍下特遣大臣會同督撫開濬水道太湖之
水歸海者經劉河白茆河居多圖誌載二河形勢數十
里一徑直趨於海年久潮汐壅塞悉成平陸太倉常熟
之紳衿土豪佔種報科者十無二三今既開濬必盡去
新漲地畝以復故道該督撫等當竭力秉公詳勘務為

一勞永逸之策是歲陳世倌疏請先挑吳淞江白茆河
孟瀆德勝九曲河其餘諸河俟完工之日以次開
濬從之

議修揚州五塘以溉民田婁江水利告成士民請

萬壽碑亭

諭速止之是月水利營田所進瑞稻一莖三穗或一莖二

穗

召入大學士等

賜觀

又

諭自古治水之法在順其自然之勢而利導之蓋水之爲害者大抵由於故道堙塞使水不得徑直暢流以致泛濫爲患但徑直之路堙塞年久或民間旣已蓋造室廬開墾田畝或且安葬墳墓人情各顧其私不知遠大之計今見欲於此地開濬河道則百計阻撓而司其事者未免惑於浮議遂使遷就紆迴苟且從事而不能成一勞永逸之舉昨據岳鍾琪奏陝西現在興修漢渠但開

濬之處不無礙於墳墓故爾遲回朕諭之曰果係民間墳墓所在當給與買地之價令其遷葬民自樂從今江南興修水利著該督撫與欽差官員照此辦理

諭吳淞石塘當日勘估之時於海潮紆緩之處酌量修築土塘蓋因工程浩大諸臣爲節省錢糧起見故如此定議但東南財賦之區灌溉田畝保聚室廬全賴海塘捍衛海勢衝激風濤旋轉難定不若一例盡修石塘爲百姓萬年之利著將現在土塘改築石塘不得惜費省工

苟且塞責兩江總督范時繹奏報估計修濬太倉州河
道工料銀兩且言太倉州鎮洋縣士民僉稱境內
劉河已蒙發帑開濬其七輔河願依舊例業戶給
食佃戶出力不敢再費帑金

上曰國家財用充足朕爲地方籌畫萬年之利不惜多費
帑金興修鉅工養育萬姓若仍用民力以辦公事非朕
本心也著將士民捐助之處停止仍動用公帑辦理並
曉諭該州縣士民伊等當體朕愛養元元之心於工程
告竣之後歲歲疏濬防護俾地方永受其益則勝於目

前之趨事赴功多矣

八年

諭寧夏地方萬民衣食之源在於大清漢唐三渠之水利
定例每年疏濬修理使民田得沾灌溉聞歷年專司之
員疎忽怠玩以致閘道堤岸逐漸損壞時有衝決渠身
淤泥填塞日見淺窄而三渠之中惟唐渠爲尤甚近來
其口過低其梢過高水勢不能逆流而上多誤小民耕
種之期雖每春定有歲修之例然不能以一月之工程
整數十年之荒廢也見今兵部侍郎通智開濬惠農昌

潤二渠於寧夏水利自然明悉著會同太常寺卿史在
甲即行查議今歲預備物料明春動工修補務令三渠
堅固俾邊郡黎元灌溉有資永享盈寧之慶

九年遣太僕寺卿顧琮稽覈直隸水田除距水稍
遠地勢稍高須車戽而升者聽民隨便種植外其
水足地平無煩汲升之處令地方官具永遠可為
水田結狀呈報戶部荒廢者如例議處又議設營
田觀察使二員分轄京東西督率州縣營治可田
地畝無力者貸以牛種秋收扣還設副使二員出

資經理以為民倡所有舊田圍渠閘洞時加修治
毋致廢壞

十年

諭寧夏為甘肅要地渠工乃水利攸關朕特遣大臣督率

官員開濬惠農昌潤二渠又命修理大清漢唐三渠以
溥民利年來惠昌二渠及唐渠工程漸次告竣於民田
大有裨益其大清渠漢渠雖未竣工然加謹堵築極力
挑濬已足以資灌溉不過泮岸牖座有應行修補之處
可以從容經理查寧夏有專司水利之同知著將未竣

之渠工交與該員於每歲春工內分年陸續修理務期工程堅固利濟有資使民田永霑膏澤是歲又以甘肅所屬之瓜州地肥饒可墾將疏勒河上流築壩開渠引水入河又於安家窩舖對岸導渠疏濬深通引水溉田至十一年陝西之柔遠堡鎮夷堡口外雙樹墩等地方開墾令開渠溉田十二年甘肅口外柳林湖地屯墾令築壩建隄開渠又陝西之中衛縣白馬寺灘地廣可耕令開渠建槽以資灌溉議濬淮揚下河水道以濟鹽運溉民竈田

令松江府之奉賢上海南匯等縣修築捍海土塘江蘇撫臣喬世臣言金山華亭奉賢上海南匯五縣地方西抵浙江平湖縣界東至寶山縣接壤之黃家灣綿亘二百五十餘里舊有土塘以捍潮汐

雍正二年議自金山嘴至華家角四十餘里

係金山華

亭二縣地俱易土爲石次第告竣其華家角以東之舊

塘未經修築今年七月中海潮漫溢以致南匯上海奉賢三縣被災較重今議修築土塘在奉賢者由華家角石塘起至南匯縣東界共九千三百二

十七丈六尺在南滙者自奉賢縣西界起至上海縣東界共一萬五千四百六十四丈在上海者自南滙縣西界起至寶山縣界之黃家灣共一千二百二十三丈八尺俱底寬五丈面寬二丈五尺高一丈二尺共需銀九萬八千三百五十四兩零又黃家灣以北至寶山城四千二百二十八丈一尺有奇舊塘亦頽廢並宜增築塘底寬五丈面寬二丈五尺共需銀一萬七千一百一十六兩零疏入

命廷臣集議如所請行之

十一年

詔修揚州之范公堤

命內大臣海望等查勘浙江海塘海望等疏言浙江江海之門戶有三省城東南龕赭兩山之間名曰南大鹽禪機河莊兩山之間名曰中小鹽河莊之北寧邑海塘之南名曰北大鹽惟中小鹽當南北兩岸之中江水海潮若由此出入則兩岸無虞但其地面不及南北兩大鹽之半潮過沙淤偶通旋塞不徙而南卽徙而北南岸尙有龕常諸山連絡捍衛

北岸惟恃一綫塘堤而已南大壘久淤成平陸數十年前尙由中小壘出入嗣後漸徙至北大壘今欲遏江海之狂瀾使其仍歸中道恐非人力所能爲查海寧東南有尖山聳峙海口其西有小山谷名塌山相去百餘丈水底根脚相連兩山之間向有石壩堵截水道後因修塘人役誤取其石見今江水大溜緊貼北塘直趨尖山塌山之間引入海潮衝激塘身護沙日卸若於兩山之間照舊堵塞使江水海潮仍向外行則北岸護沙可漲而水道

亦可望其南徙至於華家街以東尖山以西一帶塘工有草塘并條石塊石塘不等應改建大石塘庶可垂永遠所需工料約銀一百八十餘萬兩非歷數年之久不能告竣臣等見議塞尖山水口旣堵之後果能漲沙護塘則石塘可不必改建如仍無漲沙再行改建似亦未遲也惟翁家埠一段草塘塘內地勢低窪及塘背附土單薄之處卽應培補又石草各舊塘僅有一層應請於塘後添築土備塘一道比舊塘再高五六尺以禦風潮泛溢之

害疏入

上曰所議俱屬妥協著照所奏行朕思尖塌之間建立石壩以堵水勢似類挑水壩之意所見固是若再於中小壘開引河一道分江流入海以減水勢似更有益從前雖經開挖旋復壅塞者皆因惜費省工之故今若倍加工力兩工並舉更覺妥備石壩建後即有漲沙而石塘亦當漸次改建以為永久之利其開挖引河著程元章等相度地勢酌量辦理

十二年兩江總督趙宏恩察勘松江海塘議於石

塘外築貼石土塘一道從之

十三年閏四月河東總督王士俊言東平州之安

山湖地勢低於運河其湖旁涸出之地請開墾以

濟民食

上令部臣詳議

諭曰山東運河之水全賴諸湖停蓄以資灌注所以前人有水櫃之名後因諸湖淤墊居民侵占為田以致水少不能濟運朕屢降諭旨令河道總督等悉心經理近年始無水淺停舟之慮今王士俊此舉乃為開墾起見朕

思湖水專資濟運倘經理之初但貪田畝之有餘不計湖水之不足將來田多水少漕運稽遲則顧此失彼未免輕重倒置不可不慎之於始也遂

命止之

東陵之水全賴漕船身蓄以資蓄蓄而後以前人

皇朝文獻通考卷六

皇朝文獻通考卷七

田賦考 七

水利田

乾隆元年

諭紹興府屬沿江沿海堤岸工程停止按畝派錢于存公項內動支興修著為例

又

諭三代以前不言水利溝澮之制時蓄洩備旱潦尚書周禮所載為田功計者其利甚溥開渠引水溉田育

皇朝文獻通考 卷七
穀始於戰國蓋因阡陌既開溝澮尋丈已失其舊也
歷代言水利者得失參半總以相土宜順水勢爲主
今江南蘇松常鎮四府太倉一州現在興修支河仿
河工海塘之例朕思渠港圩壩附近溉田原宜開濬
以備旱潦但開濬之法須河身深廣蓄洩得宜挑取
塗泥遠移他處或培窪下或築堤岸方爲可久若堆
貯河旁水潦旋淤有名無實徒滋煩擾至古堤舊渠
不爲田害便宜仍舊改築甚無謂也今蘇松等處支
河不比河工海塘之險古堤舊渠如元和至和等塘

民利往來田資灌溉至今受益吳本澤國三江震澤
支流四溢如邱與權單鏐邾直趙霖夏元吉周忱所
論水利考据精核得失瞭然今承修人員不逮前人
止宜加修不必改築若按畝派錢以供大修朕已降
旨停止嗣後督撫以至州縣建言爲民興利或利小
而害大或利在目前而害伏於後或有利無害而其
事難成皆宜詳審熟籌慎之於始以副朕惠養元元
之至意

諭曰史書詳誌河渠經術兼明水利誠以國計民生所關也果使水道疏通脈絡流注陂澤非沮洳之藪隄防有蓄洩之方旱澇有備而田廬無虞其有裨於閭閻誠非淺鮮我

皇考軫恤黎元興行水利凡直省泉源河湖莫不濬導俾民得以灌溉轉瘠爲腴至於蘇松之太湖吳淞白茆劉河歸海要道淮揚之槐子烏塔河泰州如臯運河串場車路海溝等河尤不惜帑金專員督理建閘築堤按時啟閉使近水田畝均沾膏澤利賴甚溥但自

開浚以來已閱數年圩岸不無坍塌泥沙不無淤積與其歲久濬築事難費倍不若逐年疏葺事易費省著令管理水利河務各官及濱河州縣各於所屬境內相視河流淺阻每歲農隙募夫挑挖定爲章程逐年舉行

二年

諭養民之道必使興利防患水旱無虞方能使蓋藏充裕緩急可資是以川澤陂塘溝渠堤岸凡有關乎農事務籌畫於平時蓄洩得宜潦則有疏導之方旱

則資灌溉之利非諉之天時豐歉之適然而以臨時賑恤爲可塞責也直隸今年夏初少雨深以曠旱爲憂及連雨數日尙不甚大而永定河隨有漲溢之患雖因山水驟發然水性就下其經行之地自有定所設預爲溝渠以洩之爲塘堰以瀦之自可以殺水勢不至滙爲洪流衝突漫衍如此之甚是皆平日不能預先籌畫所致也東南地方每有蛟患者之於古季夏伐蛟載在月令今土人留心者尙能預知有蛟之處掘地得卵去之則不爲害且蛟行資水遇溪澗而

其勢始大田疇雖不可移而廬舍塋厝尙可遷就高阜之地以避之是亦未嘗不可先事預防該督撫有司務以生民利賴爲先圖一切水旱事宜悉心講究應修舉者卽行修舉或勸導百姓自爲經理如工程重大應動用帑項者卽行奏聞妥協辦理興利去害俾旱澇不侵倉箱有慶以副朕惠愛黎元至意

又

諭直屬營田水利昔年蒙

皇考世宗憲皇帝特命怡賢親王大學士朱軾查勘地方

情形不惜數百萬金錢興修經理已有成效然溝渠
澮洫堤埝圍埂之屬必須隨時修葺歲加補治方於
田功有益今歲春夏間雨澤愆期各州縣水田多未
種植則溝渠各項勢不能無廢棄之處倘地方有司
不隨時整理必悞明歲春耕夫州縣地土原有高下
之不同其不能營治水田而從前或出於委員之勉
強造報者自應聽民之便改作旱田以種雜糧若附
近水次可以營治之田而從前已經開成者倘因本
年未曾種稻遂至廢棄殊爲可惜著李衛飭行各州

縣分別查明將實在可垂永久之水田勸諭民人照
舊營治毋得任其荒蕪其溝渠各項有應行修葺者
卽於農隙之時酌給口糧督率修治

三年

諭曰聞直隸保定河間兩府所屬地方夏月多被水淹
深秋之後地雖涸出而積水仍未全消推求其故則
州縣舊有渠淀居民耕種漸有收穫恐被爭占遂報
墾升科及耕種旣久壅培漸高而水不下注矣又聞
各處多有涸河當有水時由此宣洩無水竟成廢地

近河居民築埭築壩爲蓄聚灌溉之用以致河道阻塞水不通流高阜有水歸於卑下而卑下之水無地注之此積水難消之由也著飭各州縣將舊有之渠淀查明造報毋得隱匿若有已經陞科者免其賦稅其有涸河之處亦行確勘不得築埭壩以阻河流之故道庶積潦不致爲害於地方實有裨益

遣大理寺卿汪澂總辦江南水利工程兩江總督那蘇圖言臣等往淮揚會勘署撫臣許容所奏應浚河道與水利農田原屬有益惟聞沿河一帶邊上較

高與泰寶鹽等處地方低窪形如釜底必須測量地勢隨宜辦理如蒙簡差在京熟諳水利工程大員相度董率方爲有濟遂有是

命

四年

諭水利工程重大著通政使德爾敏同往辦理大理寺卿汪澂等言山陽阜寧之漁濱河興化縣之白駒閘下引河高郵之通湖橋馬飲塘河江都之灣頭河通州分司所屬之十鹽場河通州之黃河洋范

皇朝文獻通考 卷一
公堤俱應疏浚興修又鹽城之新興場河阜寧之
廟灣場河宜及時疏浚以工代賑俱從之

又

諭今年六月間開封等屬被水州縣甚多已屢降諭旨
多方賑恤因思濟飢拯溺目前之補救惟殷而陂澤
河渠善後之經營宜亟查豫省地方有淮潁汝蔡諸
水經緯其間凡舊有河道俱達江湖第或故道被湮
或無支河導引是以水無容納之區勢必旁溢下有
壅塞之處澇卽難消聞撫臣見令各屬勘估興修但

愚民無知上游方事挑濬而下游填實阻攔仍致水
無去路於事何益著撫臣河臣親勘全局通盤計算
務使一律疏濬深通毋令各分疆界稍有阻滯再豫
省之賈魯河原由江南地方全注入淮是盧鳳等處
卽豫省之下流也此時見在欽差大臣興修盧鳳等
處河渠亦當同爲留意從來疏濬河道時上游十分
用力而下游百計阻撓各處人情如此不獨豫省爲
然是在封疆大臣洞悉其弊勿爲所欺庶幾源委暢
流永無泛溢之患

諭直隸地方水利未講以致水漲則受其害而平時未獲其益前屢降旨令總督孫嘉淦等悉心籌畫善爲經理據孫嘉淦具摺陳奏大槩講論河道情形至如何消除積水俾民間田畝收水利而免水害之處未曾詳悉奏及朕思此時乃水勢消落之際又值年穀收穫正宜董率官吏及時經營不但工程可以早竣而無業貧民亦可藉以餬口若不趁此時速爲料理爲未雨綢繆之計轉瞬春水長發又恐難以施工朕

爲閭閻疾苦時屢於坤成爲封疆大臣者當體此意可卽傳諭孫嘉淦知之

五年廷議漕水數人請蘇蘇水串場河之水以其

命廷臣議淮揚各屬興修水利事宜大理卿汪濬等言淮揚下河九屬地界江淮瀕河臨海民間生計大都以水爲利魚鹽之饒富田畝之灌溉商運之往來皆資於水臣訪之輿論下河之爲害者有二最甚者開放高郵三壩次則東邊易進鹹水查高郵三壩因上游洪澤湖之天然三壩而設今天然壩已

皇朝文獻通考 卷之七
堅閉不開請將高郵三壩及昭關壩子嬰壩平撤
以期永除水患更添開三座以溉田畝上源無驟
漲之水下源自無泛溢之虞矣其鹹水易進之處
惟天妃與白駒三閘爲甚今議天妃口建設閘座
白駒三閘並行拆建其沿范公隄之丁溪小海諸
閘我閘內有上岡北草堰二閘頽壞更設於串場河裏
口以致鹹水灌入請移建於串場河之外口其餘
皆有牆石底石損壞者有閘板朽腐者俱應修葺以
爲時啟閉則鹹水之患亦除矣水患旣除水利可興

臣等勘下游諸水之大勢俱東北由鹽城界入海
東塘河爲分洩之要津久經淤墊迤下上岡草堰
二閘內外河道亦淤應一律開浚其阜寧之清溝
河蘇家嘴河山陽之涇河市河寶應之子嬰閘河
興化之北官河溪河白塗河梓新河興鹽界河泰
州之小紀宗村二河蚌沿河淮東兩分司所屬串
場河以及溱潼河新河舊河皆灌溉所資鹽艘經
行之路今俱淤墊淺阻亦應挑浚范公隄綿長三
百餘里應加築寬厚以資捍禦以上皆東流入海

之路也其南流入江之水道則揚州以北之灣頭河董家溝芒稻河去江甚近自芒稻閘以下見在淺澁應加挑浚揚州城東之沙壩閘河水道淤墊亦應疏濬城南之揚子橋閘閘口過高應行改修其挑河所去之土令於兩岸三丈五丈之外堆成圩岸歲旱則引以溉田水大則聽其堵閉訪之居民咸稱有益臣等更請將下河九屬田畝之毗近河渠者依此例於兩岸修築田圩高四尺底寬八尺頂寬二尺令有司勸諭居民於農隙之時如式

修築嗣後雖遇雨水盛大之年可無虞淹漫矣疏入下大學士會工部議覆准行

修築松江海塘工成松江沿海東西兩塘改土爲石長六千七百餘丈

海寧縣尖山壩工成

令修浚江北廬鳳潁等屬水道先是江寧布政使晏斯盛言鳳潁廬滁泗各屬皆有水利可興大學士等議令總理水利之汪滙德爾敏會同督撫詳勘定議

皇朝文獻通考 卷七
上允其議至是汪滢等言合肥城內之金斗河及洩水
越河虹縣之枯河頭亳州之乾溪溝和州之太洋
河姥下河牛屯河含山之銅城開河來安之龍尾
壩河俱淤淺不足資以灌溉應亟爲挑浚滁州之
孟公石壩應改爲閘合肥城東石閘已頽廢應修
建五河城南蔣家壩應改土爲石其餘各州縣陂
塘溝渠圩埂土壩共六十二所向來民自行修築
應飭地方官視年歲之豐歉量民力之能否隨時
勸導次第興舉又壽州之安豐塘卽古芍陂向爲

潴水之區今已淤成高地旣不能蓄水反致阻遏
水道若招民墾種可得良田五百餘頃每年農隙
之時令種地之民於塘外挑成河道東西下游各
築土壩一道以備蓄洩可化無用爲有用應俟督
臣撫臣妥議辦理疏入令大學士等會議如所請
行

浚河南之賈魯河先是河南巡撫尹會一奏請興
豫省水利并浚賈魯河下游入渦會淮而安慶巡
撫陳大受復言上游之水奔騰下注渦河淺窄恐

不能容受工部議令總理水利大臣暨兩省督撫
河臣會議務使有利無害
上從之至是汪澂等言豫省自開封府以南沿河七州
縣之水俱歸江南之渦河見議所開河道雖有沙
河桃河永利溝老黃河諸名其實本屬一河所濬
者卽舊有之水道也唯賈魯河原係入淮之河因
水勢善溢故議於北岸設閘開河以分其勢所洩
之水本自無多况流行四百餘里方入於渦自不
至於江南有礙查豫省地居上游其水皆以江南

爲歸而入渦入淮稍有區別賈魯河入淮之水旣
分洩入渦則渦水亦當分洩入淮庶上游下游之
水兩得均平亳州迤下六十里渦河南岸有分流
之水漳河一道由乾溪溝歷淝河以入於淮今應
將漳河疏浚遇渦水盛大可以分洩大學士工部
議應如所請從之

七年

命直隸總督高斌等往江南經理水利賑恤

又

皇朝文獻通考 卷七
論江南水災之後賑恤乃一時之補救而所以安養民
生者全在明歲之農功自被水迄今已經兩月雖水
漸減退不爲大害而瀰漫之勢仍似從前若疏濬稍
後機宜則今歲田地斷不能盡皆涸出小民春耕無
望彼嗷嗷待哺者何以爲生况此時搭棚棲止於長
堤者亦豈可以久處亟宜講因地制宜之策其如何
疏洩水道涸出田畝以安民業以奠民居著欽差大
臣河道總督江南督撫悉心妥議速爲經理毋得稽
遲

又

命大學士陳世倌會同高斌辦理江南水利明年正月
陳世倌高斌等言淮揚徐海鳳潁泗七府州地既
卑下又爲百川滙聚歸江歸海之路黃淮二瀆爲
之經南北運河爲之緯南以洪澤湖爲之瀦而高
寶邵諸湖承其下流入運分趨以歸於江海北以
微山湖爲之瀦入運分趨而駱馬湖承其下流以
歸於海夫水性就下游多淤則上游之勢必遏
上游既溢則下游之浸必甚若大闢尾閭分流暢

皇朝文獻通考 卷七
三
洩使來水不及去路之多復於上游收束散漫之勢不使旁溢則縱有漲水可循流以漸趨於壑矣高寶諸湖之水自邵伯以上入海邵伯以下入江臣等面承

指投入江之路宜酌量加增竊查運河入江較入海之路爲近而運河之水高於江面消納亦速若從興鹽等縣入海路旣紆遠而沿海地面高於內地外潮勢仰內河水低必俟潮退方可隨潮而出卽疏濬極深又恐潮水內灌是入海誠不如入江之便

今議於金灣滾壩之下東西灣地方添建滾壩二座分引湖水入於鹽河卽於鹽河對岸挑石羊溝引河一道河頭建滾壩以應東西灣二壩并將鳳凰橋下引河及壁虎橋下流之廖家溝俱挑浚深濶歸石羊河以達於江其董家溝原歸芒稻河應加挑使自爲一河直注於江至芒稻閘河爲通江之捷路一遇伏秋水漲啟放閘門恐鹽船淺阻請於芒稻閘以下仙女廟以上挑越河一道俾鹽船由此經由其泰州河舊有秦塘港白塔河百汊港

三路入江宜改建閘門以時啟閉此湖水下游入江之路也黃河北岸則微山湖爲上流所聚駱馬湖爲下流所聚而中河居其間以爲咽喉六塘河又承駱馬湖之下引衆流歸場河以爲尾閘今議將板浦以下場河速爲挑濬其六塘南北二股及六里車軸等河之淺窄者悉加修治并於五丈義澤六里河頭各建閘以時減洩則黃河北岸之水亦不致泛溢矣上江鳳泗二屬南有澮河中有沱河北有濰河沱河久淤應將宿州之水導入澮河

靈鳳等處之水導入濰河不使仍入沱河併將濰河下游之謝家溝浚深以資宣洩海州等屬則沂沭二河爲大應將河身之淤墊者疏治民堰之殘缺者堵築其餘兩江七府州屬支河溝渠應挑浚者約計百四十餘處庶水各有歸不致泛溢矣疏入

敕廷臣議覆行之

詔疏濬京城內外水道

八年寶山新築海塘工成寶山縣城東北自楊家

嘴礮臺至車家墳止改土塘爲石長一千三百丈
准桑乾河開渠引水以溉民田直隸總督高斌言
桑乾河爲永定河之上游可於南北兩岸各開大
渠一道引水灌溉營治稻田從之

九年

命尙書訥親查勘江浙海塘訥親言海塘視沙之坍漲
以爲平險老鹽倉一帶柴塘向因江海迴流冲刷
初非正溜移注故一經漲灘卽化險爲平但潮患
常在北岸漲沙未可盡恃河潮向由中小鹽出入

若將故道開通分減北大鹽之溜勢則上下塘工
悉可安堵卽使不能遽行開通而潮汐情形與湖
河迥異其日月衰旺既有期信隨長隨落爲時非
久若將險要處所酌量機宜多建坦坡木石戩壩
俾其挑水掛淤實爲捷要之法蓋有高沙則塘工
卽資鞏固有新沙則高沙不能坍塌柴塘一帶若
辦理合宜不但不必改建石工向後並可免搶險
之勞惟在該管員弁隨宜經理不可恃沙漲以爲
安不可妄矜潮汛以爲險也江南沿海水勢較浙

皇朝文獻通考 卷一百一十一
省稍爲寬緩惟華亭寶山二處溜勢頗急已建有石塘其餘沿海各工令該管官督率相機守護自可無虞冲卸工部議覆應如所請從之
令疏浚清水下游諸河道訥親言洪澤湖減下之水由高寶等湖至邵伯湖入運者則有泰州鹽河爲歸江之路由高郵湖入運者各閘壩分洩入於申場河爲歸海之路然通江之芒稻閘通海之白駒天妃等閘皆閉蓄以濟鹽運旣不能預爲容受之地洪澤湖減水旣多宣洩不及卽至漫溢民田

因而洪湖不敢輕言宣洩然閉蓄過甚驟有漲溢上有受惠並及下游今議歸江之路宜浚鹽河也鹽河水深四五尺如臯以下益淺其底高於運河應挑深五尺使常足以資鹽運視運河之水有餘將芒稻諸閘啟放預爲減洩再將寶應高郵二湖相連之華家灘大新河高郵邵伯二湖相連之王家港茅塘港並邵伯通運引河逐加挑浚俾循次灌注爲湖河遞減之法每年於重運過後四五月內行之卽遇洪湖減洩盛漲亦差可容受不致有

湖河先滿之患而芒稻各河更無宣洩不及之虞
矣又歸海之路宜浚申場河也洪湖入運之水自
高郵注官河以達申場河又邵伯頭閘二閘水亦
分入申場河出天妃白駒小海丁溪諸閘歸海爲
下河宣洩之要道乃夏月水盈之時河水僅深二
三尺白駒等閘常閉不開興化各湖河水無去路
稍增四五尺卽淹浸爲患蓋興化地窪而申場河
淺之故也應將鹽城以南南北二申場河挑浚寬
深使水恒滯蓄足資鹽運白駒等閘平時可相機

啟閉盛漲則盡行開放其興化以上之高郵官河
承南關車邏二壩爲減水總滙之路河道淺窄難
以容納而洩水之蚌沿梓新車路白塗海溝均應
挑浚寬深以資利導再邵伯以上運河東岸各閘
壩歸下河者合計寬一百四十餘丈而范公堤各
閘口門止寬三十六丈來水多而去路少應於見
在閘座多添金門會入各引河以廣其宣洩之路
疏入

命大學士九卿集議令督河諸臣分別先後估計具題

命大從之

又

詔興修畿輔水利大學士九卿議覆御史柴潮生奏河間天津二府頻歲亢旱請大發帑金經理畿輔水利凡河渠淀泊有故跡可尋者重加疏濬開溝建閘引水溉田凡待賑之民分段派工厚給其直所費雖多實爲無窮之利臣等思北方地勢平衍原有河渠淀泊水道可尋從前或行之未久輒就罷廢或奉行不善轉致虛糜遂謂北地水利不可興

聽其自盈自涸而不爲之均節有水無利而獨受其害雖天時之不齊亦人事之未盡也所奏興修水利事屬應行疏入

命尙書劉於義往保定會同總督高斌詳議經理是歲協辦大學士尙書劉於義等陳水利十二事一宛平良鄉涿州境內之牯牛正支各河宜疏濬以消瀝水一新城雄縣境內之白溝河宜濬支流以免漫溢一趙北口以東淀內支河宜分別開濬一東淀河道宜開通徑直一子牙河濁流穿淀宜另疏

皇朝文獻通考 卷一百一
出口水門并築長堤分別清濁一附近永定南北
之舊減水河宜疏歸鳳河一塌河淀尾閘淤塞宜
亟疏濬一唐河宜由廣利等渠引歸保定之府河
一天津新安霸州諸河淀宜渠閘通引以沃民田
一正定各泉宜開河引渠一舊有營田渠閘宜酌
加修復一民間自營稻田宜酌給工本大學士九
卿會議俱應如所請

命速行之至十年劉於義等又言一廣利渠以下應添
建高洞一望都以下沿白草溝河至清苑安肅宜

命開浚道溝一廣利依城二河宜挑減水河一張青

口以下應挑支河以分淀河之水一新安縣之新

河應挑深以洩容城新安之水十一年劉於義等

又言一塌河淀漲水應由七里海引歸薊運河一

天津東北賈家口舊河應挑浚以洩積水一靜海

迤東蘆北口應接開支河一南運河掟地汎應改

挑引河尋又言一慶雲縣積水應浚馬頰河引水

歸海一慶雲縣西南高慕臺窪應挑溝引水入老

黃河一慶雲縣四鄉洩水溝渠應開挑以疏積滂

一鹽山縣宣惠河應挑深洩積水入老黃河皆下
部議行

令湖蕩蓄水之地毋許民人墾種戶部議准浙江
上虞之夏蓋湖餘姚之汝仇湖水利攸關民人毋
得侵占并令凡有湖蕩之地詳加察勘劃明界限
不許再行開墾阻塞水道其從前已墾地畝亦令
核明有無陞科分別辦理

十年

命江南督臣河臣查勘興修上下兩江水利至十一年

兩江總督尹繼善等言洪溝河爲毛城舖之咽喉

應於兩岸各築子堰堰內建涵洞及閘以洩民田

積水濰河兩岸亦應各築子堰分設涵洞斗門其

王家山天然閘河擬於尾閘改挑向南仍入濰溪

口又天然閘河及峯山閘下引河五湖迤下之謝

家溝俱宜挑挖寬深至潁州府之淝河年久淤塞

應擇其淺窄之處浚之又自孟家橋以下民間私

築土壩設立魚籬有礙水道俱當拆除蒙城南鄉

之黃河北鄉之北淝河亦應挑浚此上江應修之

水利也六塘河承駱馬湖之水至沐陽錢家集分爲南北二股由鹽河入海宜築子堰設涵洞而上游之港河亦宜疏浚建閘設堰以減駱馬湖盛漲之勢沐河發源東省入沐陽分爲二支由漣河入海宜一例築堰立涵洞橋梁以消積水至山陽之吉家橋河鹽城之九曲河阜寧之橫溝河放生河清河之民便河史家蕩古河安東之尤家蕩河桃源之劉老澗積水河海州之薔薇河俱宜次第挑濬築堰立閘此下江應修之水利也疏入令大學

士工部集議飭督臣分別緩急估題興修從之

又

諭江南海州沐陽一帶頻年被災水患迭見今年仍復被淹朕詢問巡撫陳大受據奏稱海州之水下苦於鹽河之南北橫截使六塘南北潮河之水不得東流上苦於沐河之水盡由於沐陽海州入海宣洩不及以致爲害欲治海州之水下則當去鹽河橫截之弊令地方官視水大小一面及時開壩一面報明鹽院又令民修築圩圍廣留水道則海州之南可以無災

上則當分洩沐河之源今於大山頭北四里溝八里湖地方正馬陵山腰斷處開一河引入贛榆之大興鎮河又於下流引一河南入新河頭北入圍子河則上流既減下流自無四潰之虞再贛榆之三公河舊爲洩水之道因年久堵塞苟一挑浚積潦可消等語可諭尹繼善白鍾山令其委員查勘應作何開通疏浚之處妥酌辦理務使水患悉除民不罹災以副朕洞瘼民瘼之意至十一年兩江總督尹繼善言鹽河南北橫截一百三十餘里西有六塘南北兩股之水

穿過鹽河由武障義澤六里等河歸北潮河入海因蓄水濟運鹽柴三處俱築草壩雖可隨時啟閉但六塘河數百丈之水奔騰而來三壩口寬不逾十丈卽及時開放亦宣洩不及請於武障義澤六里三河口各設滾水石壩數十丈高於河底五尺低於民田一尺水滿則洩水平則止旣利民田亦無妨鹽運又贛榆之三公河年久堵塞亦應挑浚以消積潦至沐河發源莒州馬耳山由郟城之馬陵山東南流自宿遷至沐陽查大山頭北之四里

全去其患然去其太甚則受災之民少而積困亦可
漸甦可令高斌會同尹繼善顧琮陳大受等務須商
確妥協俾將來水患可望漸除協辦大學士尙書高
斌等議請於海州所屬及淮徐二屬之宿遷桃源
清河安東阜寧諸縣將窪地修築圩岸令業主出
資佃戶出力於農隙時次第經理從之

禁民人私將池塘陂澤墾種以妨民田戶部議官
地民業凡有關於水道者槩毋許墾種如自恃已
業私將池塘陂澤改墾爲田有礙他處民田者察

出懲治如果於水道無礙聽其報官墾種改則陞
科

皇朝文獻通考卷七

林

皇朝文獻通考卷八

田賦考

水利田

乾隆十二年直隸總督那蘇圖奏霸州豐潤二處
營田宜設專員以收實效

上曰古有田畷之官巡行阡陌勸稼課耕宣布德化該
督所奏專員經辦營田尙得古人遺意著照所請令
管理之員親身督率加意經理如三年之後果能著
有成效該督奏聞送部引見

十三年

諭江南淮海一帶州縣近年屢被災傷推原其故皆由山東沂邳等處上游雨水盛漲建瓴而下河道不能容納遂直注駱馬湖衝決六塘河兩片子堰淹浸民田以海沐為歸宿小民蕩析離居甚屬可憫但查從前淮海所屬不盡失收即山東亦非盡無雨水盛漲之事何以至今為患愈劇而山東之以旱潦見告者亦迄無寧歲必係該省水道所在梗塞蓄洩機宜久廢不講以致本處既告漫溢鄰境俱受淹傷相因為

害至於如此上年阿里衮奏請開濬沂蘭等河朕命大學士高斌前往會勘查辦是否通盤籌畫可以永免兩省災傷抑係暫為一隅補救之計細閱伊等前後奏摺大槩加意修築堤埝而於該省全局及淮海一帶相因受害應作何疏濬料理未據詳悉議及著傳諭大學士高斌左都御史劉統勳會同該撫阿里衮將山東全省水道窮源竟委廣諮博訪躬親履勘務將近年所以致患之由并將來作何查辦毋致再被漫漫延及鄰省之處悉心定議該省見在加恩賑

恤倘前項工程之外有應舉行者卽照以工代賑之例隨宜興作俾災黎稍資生計亦一舉兩善之道也高斌等言山東登萊青曹四府見無宣洩機宜可言濟南東昌泰安兗沂五府境內皆有運河而武定各海口則分洩運河盛漲入海之尾間也運河受漳衛汶泗沂之水兩旁承以諸湖水小則開湖以濟運水大則藉湖以受水其間山泉支港開壩涵洞橋梁斗門皆有關於蓄洩今議德州哨馬營滾水壩宜落低以消漳衛之盛漲海豐之馬頰河

聊城之徒駭河宜疏導以分運河之漲東平之戴村二壩宜落低以減運河漲溢之水濟寧之董家口宜引入白馬河歸河濟運以衛民田沂州之江楓口宜築堤壩使入湖歸運以免旁溢至於沂河以南下注江南之駱馬湖但使山東之運道泉湖安流順軌卽下游淮海之地亦可減免水患矣疏入下廷臣集議從之

又

諭據直隸總督那蘇圖奏稱正定府屬之平山令郭殿

正於河旁度地勸諭居民自備工本營治稻田共九十二頃餘又阜平縣境內有大沙河濁流該令羅仰鑣沿河查勘督令居民實力墾營田五十餘頃於河道無所妨礙郭殿正羅仰鑣殫心民事朕甚嘉焉宜交部議敘朕自卽位以來於凡開墾水利以及樹蔬孳畜之事無不諄諄誥諭而至今未有收令董勸有方如今那蘇圖所奏者則是各督撫及羣有司尙未明曉朕意也且此平山阜平二邑之民處山區瘠土而能不惜辛苦墾荒成熟至萬有餘畝是民亦知謀

生加以勸導無不風行著各省督撫實力勸諭有司懋勤本圖無俾怠緩其有成效優敘例此苟或以熟作荒及將河湖灘地留以瀦水者妄行開墾致盛漲無所容納反受漫溢之患則國法具在不假借也

十五年

敕河臣督臣會議淮北修築圩岸事宜御史胡蛟齡言江南之邳宿贛沐諸州縣皆淮水下流而海州上承東省來源下鄰海浦每春夏之交栽植甫畢水患隨至有種無收率以爲常宜倣江南圩田之法

皇朝文獻通考 卷八
四
多爲溝洫使足容水查乾隆十一年議海州等屬
令有司勸民修築圩岸數年以來作何辦理情形
乞下督撫諸臣確切定議疏入

上令總河高斌總督黃廷桂會議尋據高斌等議言臣
等查得海州及沐陽安東宿遷三縣築圩挑溝已
經工竣阜寧贛榆二縣亦已勘明興修桃源清河
二縣四鄉均係旱地並無水田圩岸有費無益竊
思水利農田相爲表裏圩岸之制誠爲良法惟是
地勢不同難以一律而論海州上承駱馬湖之水

由六塘沐山兩河分注入海從前民間自築圩堰
後經奏請動帑加築費至數十萬然遇山水盛漲
之年民田無論有無圩岸均不免於水患誠以來
源甚多下流甚窄容洩不及勢必橫溢不能強與
水爭也至於圩岸之制惟宜於蘇松常鎮等屬其
次則高寶興泰山鹽諸縣行之亦有成效蓋上游
無異漲之水故圩岸得以施功若海州等八州縣
在黃河以北一望平衍土性浮沙不宜禾稻民間
惟恃春麥向有一麥抵三秋之諺一交夏秋則上

皇朝文獻通考 卷八
五
游山水泛溢六沐交漲非圩岸所能禦臣等思水性地利之宜不容穿鑿而補偏救弊之方不可不盡所有各州縣已成之圩岸仍令有司督率民夫歲修至沙高土鬆并卑窪容水之地均不能強行修築如此則淮徐海各州縣春麥即可歲獲豐稔秋成則合計數年之內亦可一二年有收庶沮洳之地隨時補救水患可漸減矣

十六年

諭曰朕經過淮安見城北一帶內外皆水雖有土隄爲

之防而人煙湊集之區設經異漲其何以堪亟應改建石工以資保障著確勘詳估及時建築毋忽
令於高粱橋迤西營治水田大學士傅恒等言高粱橋迤西近河地畝俱可營成水田請交順天府并派內務府官勘定經理從之
詔疏濬京城內外水道

又

諭曰朕今歲南巡浙江見蕭山會稽一帶河道淺窄復聞夏旱之時河流淤涸舟楫難行朕思疏濬河道本

以便民若乘此時以工代賑開通深廣足垂永久之利該督撫卽行相度估計奏聞辦理外此或有當疏濬興工之處該督撫次第酌量修舉俾貧民得資餬口

三十一年

諭據楊錫綬奏荆山橋河身淤淺出水甚少以致滕嶧等縣積水難以宣洩今歲孫家集黃流漫溢淤墊河身致荆山橋下過水不能通暢自宜設法疏浚俾附近田廬永免淹浸著總河白鍾山悉心查勘奏聞辦

理

二十二年

命侍郎夢麟勘視荆山橋工程

築駱馬湖隄河道總督白鍾山等言微山昭陽諸湖遠承豫東二省之積潦近受黃河北岸之漲水見已疏通荆山橋上下河道由王母山入運而來源既大運河盈滿勢必歸入駱馬湖湖北受沂州諸山之水西受微山湖水其尾閘居六塘河之上游今湖隄在在殘缺亟請修築以資捍禦從之

敷建海神廟於杭州省城

詳見郊社考

以江海大溜直趨中

小壘兩岸沙灘日長瀕海諸邑無水患故也

又

諭山東之濟寧金鄉魚臺滕嶧五州縣上年被水地畝

見已涸出補種者不過十之二三其餘或雖已涸出

而泥濘難於耕種且積水一二尺至五六尺不等者

此時若能亟為疏濬旬日消退晚禾收豆尚可乘時

布植使再延至五六月間則大雨時行愈難經理矣

頃巡撫愛必達自江南來奏稱荆山橋至小梁山一

帶水勢通溜無阻徐州城東狼矢溝積水一百六十

餘頃已經開放四五日內即可涸出是下游既已疏

積水即當宣洩何以此五州縣內尚有水深至五

六尺者耶著鶴年速赴荆山橋一面知會麥麟白鍾

山同至工所會同查勘速為妥協籌辦務使農民得

以補種晚禾以慰朕念江南山東地界毗連救災卹

患事屬一體兩省大吏不可稍分畛域沛縣等處亦

應一律查辦

又

皇朝文獻通考 卷八
論六塘河以下爲沂沭諸水下游見有餘潦停積桃源宿遷諸縣阻黃臨運爲隄堰所隔積水無由宣洩窪地多成巨浸農民失業堪憫或應添建滾壩或應酌建涵洞或開導溝渠諸爲陂澤水減一分則民間受一分之益著侍郎夢麟率該道吳嗣爵等速行確勘次第妥協辦理至下河高寶諸湖之水入江入海各有分途小港支渠排比行列但或淤或淺以致水無所歸不特沿海興鹽七邑被其患而高寶首當其衝城垣廬舍亦重爲可慮當使近江者入江近海者歸

海條理井然深通暢達不致汎溢田畝則所全實多
嵇璜請於昭關設滾壩一座滾壩之下復開支河南
關舊壩改建滾水石壩此項工程并一應支河卽著
嵇璜率同何燭董其事

又

諭曰朕此次南巡親涖河工爲積歲被災羣黎籌疏洩
之方捍禦之策者宵旰靡寧冀收實濟近據山東巡
撫鶴年奏報山東之金鄉魚臺等州縣未涸地畝尙
有一千餘莊因思此方積潦再兼伏雨秋霖將益苦

汎溢而上江之宿虹靈壁等處河南之永城夏邑等處在在皆有積水計漫淹地界不下數百里此其受病非一朝一夕驟致蔓延蓋其始皆由於地方官漫不經心偶遇水災不亟爲籌度日復一日因循釀害積水日益增淹地日益廣以致高下田廬盡成巨浸及至受害旣深自非大動帑項厚資工力不能奏效而大小各官又莫能深悉受害之由確得祛患之術惟恐議疏議築虧帑遺累遂爾噤口束手坐視其民爲魚而莫展一籌見今水患已不可勝言若不及時

徹底籌辦將來何所底止著侍郎裘曰修馳驛前往山東河南上江積水各州縣徃來周視寬以時日熟察情形諮詢輿論勿憚再三其在山東者與鶴年會商在河南者與圖爾炳阿會商在上江者與高晉會商其地方官有熟悉水道之員聽其酌量差委務在通盤籌辦無分疆域凡可以登民衽席計安全而謀樂利者果歸實用毋惜多費帑金朕痾瘵一體南顧疇咨輾轉憂勤之思皆諸臣所共悉其深體而共勉之以副委任

令江南督臣等辦理湖河修濬各工程嵇璜言淮
揚運河東隄減入下河之水自邵伯以北者皆歸
海邵伯以南者皆歸江下河入海之路從前所建
各閘丁溪小海地勢外高不能洩水其草堰劉莊
伍祐新興等場分注鬪龍港新洋港等口歸海皆
得地勢之宜今請於伍祐場之蔡家港添建五孔
石閘二座挑引支河歸新洋港入海又石碓閘天
妃越閘裏頭場卸應請修補各閘下支河年久淤
淺應請挑濬射陽湖形勢彎曲應引使徑直趨海

泰州之孔家涵鹽城之岡溝河皮全河皆應浚治
運河東隄之郎兒閘子嬰南閘邵伯三閘年久傾
圯應請拆修此皆下河歸海之路也但湖河水勢
歸江近而歸海遠歸海紆迴而歸江徑直多一分
入江之路卽少一分歸海之水運河入江之路芒
稻閘董家溝石羊溝廖家溝四處閘壩共寬八十
六丈邵伯以南運河東堤舊設金灣六閘金灣滾
壩東西滾壩東西灣壩鳳凰橋壁虎橋灣頭閘諸
處共寬九十餘丈上下相應以導水入江今止有

皇朝文獻通考 卷八
金灣六閘并灣頭閘過水合計七閘口門僅寬十二丈八尺尙不如芒稻東西二閘之寬應將金灣滾壩金灣北閘改低一尺東灣壩改低二尺五寸鳳凰壁虎二橋下淤灘挑深東灣壩添寬十二丈壁虎橋之上另開河頭十二丈匯入壁虎橋引河內又邵伯諸湖遞注之引河亦多淺阻應將湯家絆引河改向西南王家莊東首另挑引河引朱家湖入尤家窪下接挑新河一道由蕪城墩引入越河此皆湖河歸江之路也至於宣洩機宜惟在冬

春初夏若六月以後江面旣高潮汐又大雖盡開閘壩而洩減無多且山圩五壩寬三百三十丈又益以蔣家壩十八丈而歸江閘壩止八十餘丈來水幾五倍於去水必須長年開放寸寸洩減俾高寶諸湖豫留過水之地斯不至壅溢爲患而芒稻閘河爲鹽艘必由之路閉閘以濟鹽運則河工坐誤啟閘以利湖河則鹽船或阻查灣頭至丁堰之運鹽河道淺深不一甚有淺至尺許者應請一律挑深以芒稻西閘底水深五尺爲度使鹽河長存

五尺之底水則鹽船可以遊行而沿江閘壩可以
長啟矣疏入

諭曰嵇璜奏湖河宣導機宜并應疏應修各工一招頗
中肯綮運河減洩之水歸海路遠歸江路近然亦有
不能歸江之處此皆南巡得之目擊者今分別緩急
因勢利導俾田畝資其灌溉水漲不受淹浸所言頗
合朕意但向來地方各官州縣局守一隅不能通盤
籌畫而大吏又因循草率憚於動帑興工每致臨時
竭蹶節節補苴迄無成效今會全局而熟籌之綢繆

於先事其中改紆爲直移遠爲近濬淺爲深所奏應
疏應修各工具有條理不必更行交議著照所請交
與尹繼善白鍾山普福等會同嵇璜於應動工時次
第興舉所須帑項照例分別動支該督等其董率屬
員悉心辦理俾下河民生永有裨益

又

諭曰今日召見陳宏謀詢及各省水災據云皆因上游
爲衆水所滙而下游無所歸宿必當會同通盤籌畫
方爲有益其言頗中肯綮江南山東河南壤地相接

數年以來頻罹水患而今年爲最朕早見及此於閏河時卽已諄切訓諭并分命欽差及督撫河臣相度籌辦而時已首夏不及措施竣事者荆山橋上下百餘里及清河積水而已豫兗之境則被災之地較廣人戶田廬撫恤者不下數十州縣南望爲之惘然傷懷轉瞬秋冬正工作可施之候若不先事而亟圖之徒坐視其年復一年橫流四出直至臨時張皇補苴何所底止耶山東之水滙於淮徐河南之水達於鳳潁該督撫等雖各守封疆要不得各分畛域况此噉

噉災黎皆朕赤子大臣公忠體國之謂何而忍稍存分別見乎在今日言之會三省之全局而川澮以疏之隄防以禦之工費誠屬浩繁然一舉而使千百里之田疇民舍可以永獲安全則生民之利孰大於是卽多需帑金所不當惜况統屢年賑恤所用計之爲數果孰多孰寡耶在國家蠲賑未嘗不動盈數百巨萬而小民已先受蕩析之苦卽使爲督撫者皆能體朕愛民之心郡縣之吏又悉良有司撫卹極其周經理極其善而災黎所得日纔以升合計度命而已何

皇朝文獻通考卷八
如無災而得中歲益藏稍裕之爲自能樂其生耶且
水非旱比赤地千里待澤
上蒼非人力所及有吁嗟籲禱而已水則治之專藉人工
所難者治之當得要領及任事當求忠實勇往之大
臣耳前曾以此諭尹繼善伊於地方情形非不熟悉
惟恐辦之或無成效動曰地處窪下而治之亦不能
保其不被水患夫治之而仍受水患此自未得治之
之道耳豈終不可治耶乃以是藉口而委之不治是
正因噎而廢食矣江蘇巡撫陳宏謀安徽巡撫高晉

山東巡撫鶴年河南巡撫胡寶瑤皆能任事之大臣
所有三省積年被水之由應如何相度形勢從長計
議俾可永弭水患之處著該撫等各於所屬境內悉
心查勘仍復彼此會同詳籌妥辦侍郎裘曰修夔麟
往來查閱隨時商酌其有應會兩總河者亦著會閱
詳議諸臣膺茲委寄務各矢實心和衷共濟以慰朕
念切民瘼宵旰憂勞之至意

又

諭豫省之衛輝等府屬被水田畝見據侍郎裘曰修奏

皇朝文獻通考卷八
令地方官督率民夫開挖淤沙引入大河其距河遠者卽於原有坡河就近開通俾田水有所歸以期普行涸出不誤春麥等語疏濬溝塍原係民間自理之事但該處當被災之餘民力殊堪軫惻著通飭各屬於派撥民夫每日按名量給飯錢亦屬寓賑於工之意該部卽遵諭行

又

諭尹繼善奏酌籌沛縣疏洩事宜一摺內稱山東湖口閘與韓莊閘相近雖爲蓄水濟運實亦洩水尾閘而

該閘僅寬丈餘不足宣洩又沂河自北而南流入駱馬湖近因水大於邳州之盧口向西散漫入運與荆山橋洩下之水相阻以致不能通暢皆爲沛縣受病之由此言頗中近日形勢而沂水不使入運尤爲切要蓋諸湖向以濟運而邇年運河之水不患其少惟患其多良由橫決之水散漫入湖以致湖不能容溢而入運運益不能容併爲巨浸運艘阻滯旁邑爲災皆緣於此不可不急爲籌辦其應如何設法堵築使沂水各歸駱馬湖及湖口一閘應如何添建滾壩俾

得暢爲宣洩而不致橫流微山入運之處著該督等
通盤詳加勘閱繪圖具議以聞

又

諭江南督臣所勘水利各工速行興修時尹繼善言南
陽昭陽微山等湖宣洩之路有二一由荆山橋至
王母山入運一由山東湖口閘入運請於湖口閘
添設滾壩及河清河定河成三閘越河俱挑寬五
尺使湖水得以宣洩又請堵築王家溝草壩口門
使駱馬湖水不得由此入運疏入

諭曰尹繼善奏稱湖口閘應添滾壩及河清河定河成
三閘應挑越河各工見已咨商白鍾山張師載等次
第籌辦等語所奏并圖中所指工段於該處情形頗
中肯綮惟是近年受患全因湖流宣洩未暢所有關
係宣洩機宜旣經查勘明確該督卽當會同欽差及
河督等速行相度興工蓋此數百里中久遭汎溢災
黎待拯刻不可緩雖籌畫不厭精詳而興修不容濡
滯咨商往返坐耽時日轉不免築室道謀圖中應舉
工程甚多轉瞬冬令必須乘此時動工庶可於歲前

竣事稍或遲延則明年春水方生又妨工作且該處民田久被淹浸無西成可望更無慮傷及秋禾亦復何所瞻顧而不亟亟爲之耶著裘曰修夢麟尹繼善白鍾山嵇璜張師載及各該撫等凡有先後勘明各工權其輕重緩急就中最要者速卽同時並舉餘亦次第興修均於歲內告成以收實效總之各工早竣一日則水患早弭一日諸臣其同心協力奮勉趨事以副朕奠安民生至意尹繼善等又言沂河源出山東至邳州盧口地方正流由駱馬湖入六塘河旁

流由盧口壩入運緣舊壩口門寬至八十丈年久刷深旁流過多有礙運河宣洩但沂水來源甚大若遠行堵閉不但暴漲之時全注六塘爲桃宿清沐之患倘遇運河水小之年亦無以接濟擬將石壩口門祇留三十丈壩底填碎石以爲節制使沂水大半歸湖仍留二三分濟運至目下運河之水惟患其壅滯無需接濟應於盧口築草壩堵截使沂水不得涓滴入運又六塘河處駱馬湖下游爲宣洩沂水之要道應加挑浚其入海之武障義澤

東門白蠟牛墩六里等河間有淺阻俱應挑治并請開小冲河五圖河俾下游多增入海之路俱從

之患其意誠無謂也

丈大半

諭褒曰修高晉等奏會勘宿靈虹積水情形籌辦疏浚事宜一摺於水勢之來源去路頗為明晰所言歷年受病之由及目前利導之法已俱得其要領見奏疏浚各工應與舉者即行興舉不必會商往返致稽時日朕為百姓生計並不惜費惟期用之於實永遠消

患而已至毛城舖為濰河上游欲濰河之無淤墊計

惟有堅閉毛城舖苟非盛漲不得開放萬不得已如

今歲之自行漫溢即當於斷流之後將淤沙盡力挑

浚若少因循則今年淤一尺明年即淤二尺河身墊

高節節阻礙年復一年其淤更甚故逐年挑濬深通

是為要務其濰河下游皆達於洪澤湖而洪澤湖以

清口為出路前經指授河臣於汛前將草壩拆卸俾

得暢流已有成效嗣後即以此為法不待盛漲一遇

水勢長發隨時酌量拆卸草壩預為減水之地從前

有

惟恐運河水少故須蓄以濟運今則惟患其多所當
因時審度不可執一而論也所有見議應開支河趕
辦竣工去累年淤阻泛濫之患不特宿靈虹等州縣
漸有起色上游豫東諸積水皆有所歸民生利賴所
關甚鉅諸臣其共勉之時表曰修等言宿靈虹諸州
縣被水之由緣豫省商虞夏永四邑之水畢滙於
宿州所恃以宣洩者惟濉河一道而濉河自徐淮
口至符離集七十餘里因上年毛城舖諸閘減洩
黃水太多沙淤平岸河形全失濉河既不能容納

則豫省諸水及宿州諸山水散流漫衍遂於淮徐
口南北分爲二股南一股自張家溝至豬羊山冲
斷驛路下至時村由唐溝歸入濉河北一股自牛
家樓至大山頭高里壩於時村迤下三村歸入濉
河臣等議濉河上段已成平陸難以施工擬卽就
兩旁冲出之河形因勢利導分一河爲兩河至符
離以下仍入於舊河俾上游散漫之水得以順軌
分流自符離至靈壁之霸王城百數十里河身亦
間有淤墊應加挑深通以暢去路至霸王城以下

皇朝文獻通考 卷八
三
為靈壁之五湖從前楊疇土出陵子崔家孟山五湖原各為一湖今則連而為二其地最窪卽多開溝渠亦屬無益不若捐之於水以為瀦蓄之道其水沈地糧題請豁除至虹縣之板橋各小河口則濰河之入五湖者至此復露河形分爲二支一由謝家溝經古沐河一由烏鴉嶺經歸仁閘下安河俱入於洪澤湖此兩支亦宜開浚以免阻礙其他支河之在宿州者有彭家溝濶河栢山河在靈壁者有斗溝拖尾河沱河在虹縣者有荀家溝岳家

河皆須挑濬以暢分流之勢虹縣又有潼河年久淤塞宜改從潘家山南達於董家溝較爲徑捷此三州縣應修之水道也惟是下游之下復有下游洪澤一湖以清口爲去路前蒙

聖明指示河臣將草壩拆卸以暢其流若每歲皆應期開放俾上游之水隨來隨去則來者雖多而去者能速不致壅閼於一時矣巡撫高晉又請浚治潁州府屬之兩河口急三道河茨河明河淝河武家河宋湯河鳳陽府屬之栢家河裔溝河黑濠河濕

泥河俱報可
 令疏浚河南幹支各河袁曰修胡寶瓌等言豫省
 自滎澤以下北阻大河南則連山橫亘諸水所經
 惟以正東及東南兩面為去路正東則江南宿州
 之濰河向因徐溪口等處梗塞以致豫省之巴河
 响河豐樂河皆無出路下阻則上淤此商虞夏永
 四邑被水之由也東南則以江南潁州府之阜陽
 太和亳諸州縣為出路淮水之大本能宣洩而兩
 省犬牙相錯之處淺阻亦多豫省之水濡滯而不

下則豫省受其患繼之則極漲而潰奔流四溢其
 患又且及於上江此開封陳州迤下及於歸德之
 柘城鹿邑汝寧迤下及於西平下蔡水患之由也
 今濰河已奉

旨興挑而潁亳一帶亦且次第疏導則去路可以無阻
 夫而後水之在中州者可得而治也豫省東面之
 幹河在商邱則為豐樂河在夏邑則為响河在永
 城則為巴溝實即一河而旁受惠民溝陸鄰溝毛
 家河虬龍溝岐河諸水河身既窄深不過四五尺

宜大加挑治東南一面之幹河以大沙河為大
 即古之潁水見在深通毋庸疏治其他則賈魯河
 歷祥符尉氏扶溝西華淮寧五縣入於大沙河自
 尉氏以下宜加挑濬又有惠濟河在開歸陳三府
 之中分賈魯河之水以達於淮向皆淤阻宜通身
 浚治又有渦河經通許太康柘城鹿邑諸縣入亳
 州界以達於淮下游淤阻自鹿邑以上漫口甚多
 亦當挑濬此外如永城之漕溝夏邑之毛家河小
 引溝觀音閣引河白河三汜河虞城之惠民溝商

水之北沙河大澗溝鹿邑之清水河汝寧府之洪
 河汝河均有間段窄淺之處亦宜遍加疏濬如此
 凡由引河以達於支河由支河以達於幹河其不能
 歸河者或於田間多作溝渠以為導引或窪地聽
 為藪澤以資停蓄總使有源之水既得下注而潢
 汗野潦亦有所約束而不至於散溢則水道治矣
 疏入得

旨報可

浚山東之伊家河從巡撫鶴年等議以洩微山湖

之水使由梁王城入運也又裘曰修等請挑兗州
官驛之府河泲河及改金口閘涵洞爲減水閘改楊家
壩爲石閘俱從之

又復舊制而不至於
諭嵇璜奏高郵運河東堤添建石壩已竣并請酌定水
則如上游五壩過水漸多車邏南關二壩過水至三
尺五寸開放五里中壩若車邏南關二壩過水至五
尺再開放新建石閘視水勢之大小以爲啟閉自無
壅潰之虞此所見深得蓄洩機宜蓋湖河水勢以五

壩爲來源以江海爲去路而歸江之路近於歸海况
下河一帶地本卑窪必視歸江諸閘壩實有宣洩不
及之勢始可以次啟放今春南巡時親臨指示令將
車邏南關二壩常行開放俾湖河得以隨時減洩而
又早關歸江之路以達其流下河田畝遂獲豐收此
已試之明效自當酌定水則以時啟閉著照嵇璜所
奏過水尺寸立誌壩旁以垂久遠嵇璜又言高郵南
關車邏二壩下引河應切去灘嘴俾過水順暢不
致漫溢民田高郵之官河南澄子河北澄子河均

諭速爲之

有淺阻應挑濬以導兩壩之去路再寶應湖下之
小新河廟基港蔣家壩下之金釵澗高郵湖下之
越河王家港俱應疏挑深通庶冬春水小之時得
以遞相灌輸騰空湖面以多留山圩五壩過水之
地
二十三年浚芒稻閘越河尹繼善等言芒稻閘爲
湖河歸江最要之尾閘宜常行啟放使湖水分洩
於冬春水落時早爲騰空以備伏秋容納之地但

芒稻河乃鹽艘必由之路若徹底啟放則礙鹽運
查鹽艘向由芒稻閘出灣頭河今改由芒稻閘迤
東越河直走金灣北閘則洩水與運鹽分爲兩途
實於水利有益惟越河水勢淤淺應再挑深五六
尺并請將金灣北閘底改低二尺四寸以利輓運
從之

又

諭豫東黃河大隄相隔二三十里河寬隄遠不與水爭
乃民間租種灘地惟恐水漫被淹止圖一時之利增

築私埵以致河身漸逼一遇汎水長發易於衝潰漚注隄根卽成險工不知隄內之地非隄外之田可比原應讓之於水者地方官因循積習不加查察名曰愛民所謂因噎而廢食者也著河南山東巡撫飭該地方官曉以利害嚴行查禁俾小民知所顧忌不許再加培築

又

諭夢麟奏微山湖水漸次疏消其湖口洩入荆山橋河所有分引支河二道近來疏消已暢是以湖底漸涸

出路亦漸遠隨經接挑引河三百餘丈源源導引見在湖流自不致壅滯但將來非得專員查看隨涸隨挑恐日久又成淤墊著傳諭尹繼善白鍾山等派道員專司其事不時查勘如有水涸沙屯卽陸續挑挖俾永遠疏通足資宣洩毋使已成之功復致湮塞也

又

諭尹繼善奏查勘宿桃等屬工程情形摺內有將駱馬湖尾間商之河臣早行開放使湖面騰空以待汎水之語此湖河第一緊要之務也湖雖所以瀦衆水而

不爲之及時宣洩則停蓄既多鮮有不致漫溢者向來治河諸臣不思達其去路而惟恃湖隄以相捍禦及湖漲難容終至泛濫不收而遠近田廬胥受其害矣駱馬湖之水由六塘河下洩而東流入海其河之兩岸則宿桃安清海沐六州縣田廬在焉伏秋大汛民生攸繫若使湖面早爲騰空則汛水之來有所容納盈科後進源源下注湖水無泛漲之虞而六塘河兩岸亦斷不致潰決四出矣豈惟此六州縣之利其瀕湖一帶運道民生亦戍奏安瀾之慶尹繼善旣已

商之河臣早爲開放尾閘以爲預騰湖面之計應如所奏速行此後每歲大汛之前應行開放時著總河會同該督先期奏聞以免因循觀望并將此旨勒石湖濱俾後之司河務者永遠遵守焉

水又甚分氣固田疇農本豐盈即不盡所爲土流之

諭陳宏謀所奏籌辦溝洫圩圍情形已於摺內批諭矣淮揚各屬水利見經相度挑浚大工告竣其溝洫圩圍乃係隨時葺治裨益農田之事雖當悉心經畫然須次第從事若以意在保護民田而與水爭地轉貽

日後之患此又不可不爲顧慮者所謂修廢舉墜亦當隨宜籌度者此也如高寶海州等處從前舊有圩田自應隨時酌量修理以資生計若所云湖蕩可爲濬圩田遽欲勸導興築恐此等窪下之區原皆留以瀦水今若任民圍田設遇水勢盛旺不溢而爲上游之患卽漫圩而過冲潰必多又安在其爲利民耶雖謂附近居民原所樂從並非強令興舉但小民惟知占地之近利豈能深計全局况今年甫獲豐收民力未甚寬裕地方官正宜體恤未便槩責以力從趨事此

於數郡民生甚有關係其實在情形非詳加體勘難以懸定著交與尹繼善會同該撫再行悉心查看酌議奏聞請旨尹繼善等議言溝洫圩圍之工原以資蓄洩備旱潦但若任民圍築阻礙水道必爲上游之患臣等遵

旨督率各屬因地制宜或開溝以洩水或築圩以衛田舊圩之殘缺者補之舊溝之淤塞者疏之凡低窪湖蕩仍留爲瀦水之區不許圍築其通湖蕩之水

路并令酌量留寬寧讓地與水不與水爭利各處

挑浚溝洫務與新浚之河道脉絡灌注新舊圩溝
分別緩急以三年內全完庶民力舒徐而積歉之

區元氣可以漸復從之

百餘年以來風回地歸宜亟開溝以新水亟築社以備凶

凶之患宜善教

善教南皇新回若日及園築田築水宜必流止

溝渠開治自天維善善新言萬世國之正烈以資

以慰家善交與長維善會同風潮無再行欲必查會

皇朝文獻通考卷八



